

INGINGO YA71

1. Iyo hagati y'uruhande rw'imbere rwa romoruki n'uruhande rw'inyuma rw'ikinyabiziga kiyikurura hari umwanya urenze metero 3, ikibizirikanyije kigomba kugaragazwa :

- **Ku manywa:** *N'agatambaro gatukura gafite byibura santimetero 50 z'uruhande*

- **Iyo amatara y'ikinyabiziga agomba gucanwa :** n'ikimenyetso gisa n'icunga rihishije rigaragara mu mbavu keretse iyo ikibizirikanyije kimuritse.

2. Ibizirikisho by'iminyururu cg by'insinga kimwe n'ibindi bizirikisho by'ingoboka bikoreshwa gusa igihe nta kundi umuntu yabigenza kandi nta kindi bigiriwe, uretse gusa kugira ngo ikinyabiziga kigere aho kigomba gukorera kandi nturizwe na rimwe kilometero 20 mu isaha.

Ibyo bizirikisho bigomba kugaragazwa n'icyapa cyera cya mpande enye zingana zifite nibura santimetero 30 kuri buri ruhande, kiri ku ruhande rw'imbere rw'ikinyabiziga gikurura.

3. Hanyuranyijwe n'ibivugwa mu gika cya 2 cy'iyi ngingo, iyo uburemere ntarengwa bwemewe bwa romoruki burenga ibiro 750 cyangwa icya kabiri cy'uburemere bw'ikinyabiziga gikurura kirimo ubusa kandi ibyuma bya feri bitungira ubwabyo, mu gihe ikizirikisho cy'ingenzi gicitse, iyo romoruki igomba kuba ifite n'ikizirikisho cyo gutabara gikozwe mu minyururu cyangwa mu insinga, kiyongera ku kizirikisho cy'ingenzi gituma ikurura kandi iyobora romoruki, bigatuma igihe ibyangombwa by'ingenzi biramutse bidakozwe neza ; bikurura iyo romoruki kandi bikayibuza no gutanga icyerekezo, bikanatuma icyo bifasheho kidakora hasi .

Igihe ibyangombwa by'ingenzi bicitse ikizirikisho cyo gutabara gikoreshwa gusa mu bihe biteganyijwe mu gika cya kabiri cy'iyi ngingo.

3. 5. UMUTWE WA V: UBURYO BUDASANZWE BWO GUTWARA IBINTU

Ingingo ya 72:

1. Gutwara ibintu bidashobora kugabanywamo ibice no kugendeshya ibinyabiziga cyangwa za romoruki zikoreshwa mu gutwara ibyo bintu kandi ibiziranga bikaba birengeje ingero ntarengwa zashyizweho n'iteka, *bitangirwa uruhushya na Minisitiri ushinze gutwara abantu n'ibintu amaze kuvuga ibyangombwa bigomba kuzuzwa kugira ngo rutangwe.*
2. **Iyo uruhushya rwasabwe rwerekeye ubugari, ubuhagarike cyangwa uburebure,** *bugomba kwandikwaho itariki, kandi byaba ngombwa, rukandikwaho amasaha ibyo bintu bizatwarirwaho kimwe n'aho bizanyuzwa.*
3. **Uruhushya rwandikwaho ibigomba gukorwa kugirango baborohareze urugendo** kandi bagende ntacyo bikanga mu nzira no kugira ngo hatagira icyangiza inzira nyabagendwa, impande zayo, ibyubatsheho, n'umutungo uyikikije.
4. Uwasabye uruhushya aruhabwa gusa ari uko yemeye gutanga indishyi n'amafaranga ashobora gukomoka kuri ubwo bwikorezi no gutanga bibaye ngombwa, *amafaranga y'ingwate yemejwe muri urwo ruhushya.*
5. Uruhushya rushobora guhabwa urusabye ku rugendo rumwe gusa, uretse igihe ibitwawe bifitiye koko rubanda akamaro.

Gutwara mu binyabiziga bigendera ku mihanda, rukururana, za gari ya moshi zirimo ubusa cyangwa zipakiye, bishobora kwakirwa impushya zemewe ku rugendo rumwe gusa cyangwa ku ngendo nyinshi.

Ibivugwa mu gika cya mbere n'icya kane bikurikizwa kuri ubwo buryo bwo gutwara ibintu.

Ingingo ya 73:

Iyo umuyobozi yaciye ku bivugwa ku ngingo ya 67 cyangwa ku byateganyijwe kugira ngo uruhushya rutangwe hakurikijwe ingingo ya 72, agomba gupakurura, kuzitira cyangwa guhagarika ikinyabiziga cye hafi hatuwe, **bitagenze bityo ikinyabiziga kizahagarikwa.**